

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj : 02/17**

Sarajevo, 15.02. 2017. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14) ), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 02/17 od 14.02.2017. godine, u postupku javne nabavke br. 02/17 „Gasni hlor“, donosi se :

**O D L U K A**

o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 02/17 od 14.02.2017. godine i ugovor za javnu nabavku roba : „Gasni hlor“, – tender broj 02/17 dodjeljuje se ponuđaču : „Hemija Patenting“ d.o.o. Lukavac, ponuda broj 05-HP/17 od 02.02.2017.godine, za ponuđenu cijenu od 142.800,00 KM bez PDV-a, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču „Hemija Patenting“ d.o.o. Lukavac po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : OP 02/17 od 13.01.2017. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 210.000,00 KM.

Obavještenje o nabavci broj : 247-1-1-7-3-9/17 poslato je na objavljivanje na Portal javnih nabavki dana 17.01.2017. godine, a sažetak obavještenja o nabavci objavljen je u Sl. glasniku BiH broj : 4. od 20.01.2017. godine.

Komisija za javnu nabavku imenovana je Rješenjem br. 293/16 od 03.11.2016.g., dopunskim Rješenjem članova komisije br. 02/17-1 od 13.01.2017. godine.

Komisija za javnu nabavku dostavila je dana 14.02.2017.g. Preporuku o izboru najpovoljnijeg ponuđača broj 02/17 od 14.02.2017. godine u postupku javne nabavke roba : „Gasni hlor“, tender broj 02/17.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 2 (dvije) ponude – „Hemija Patenting“ d.o.o. Lukavac i „Konzorcij: „Livi“d.o.o.Sarajevo & „Patenting“ d.o.o. Beograd

- Da su blagovremeno zaprimljene : 2 (dvije) ponude – „Hemija Patenting“ d.o.o. Lukavac i „Konzorcij: „Livi“d.o.o.Sarajevo & „Patenting“ d.o.o. Beograd

- Da nije bilo neblagovremeno zaprimljenih ponuda

- Da dostavljena ponuda ponuđača „Konzorcij: „Livi“d.o.o.Sarajevo & „Patenting“ d.o.o. Beograd ne ispunjava zahtijevane tenderske uslove prema obliku u smislu pripreme ponude. Konstatovano je da dostavljena ponuda nije čvrsto uvezana na način da se onemogućí naknadno vađenje ili umetanje listova a što je zahtijevano u tački 17.1 tenderske dokumentacije "Priprema ponude".

Dostavljena ponuda je uvezana na način da je kroz sve listove ponude provučen kanap koji je jednostavno svezan dvostrukim čvorom, a krajevi kanapa nisu osigurani na način koji bi onemogućio naknadno vađenje ili umetanje listova bez vidljivih tragova. (Na primjer: U ovom slučaju je bilo neophodno krajeve kanapa obezbijediti pečatnim voskom ili samoljepljivim papirom te pečatom tako učvrstiti da se ne mogu izvući i da se listovi ponude ne mogu razdvajati jer bi odstranjivanje pečata imalo vidljive tragove ili na druge načine kojim bi se onemogućilo vađenje ili umetanje listova bez vidljivih tragova.)

Članom 58. Stav 2. Zakona o javnim nabavkama (Sl. glasnik BiH broj 39/14) je definisano : "Ponuda mora biti čvrsto uvezana i sve strane ponude numerisane". Iz navedenog proizilazi da je čvrsti uvez obaveza koja je propisana Zakonom o javnim nabavkama.

U tački 17.1 tenderske dokumentacije "Priprema ponude" je jasno definisano sljedeće : "Ponuda se čvrsto uvezuje na način da se onemogućí naknadno vađenje ili umetanje listova osim garantnih dokumentata. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude".

Shodno navedenom utvrđeno je da dostavljena ponuda ponuđača Konzorcij: „Livi“d.o.o.Sarajevo & „Patenting“ d.o.o. Beograd nije uvezana na način da se onemogućí naknadno vađenje ili umetanje listova ponude a što je zahtijevano tenderskom dokumentacijom.

Iz navedenog razloga konstatovano je da ponuda ponuđača Konzorcij: „Livi“d.o.o.Sarajevo & „Patenting“ d.o.o. Beograd ne ispunjava zahtijevane tenderske uslove prema obliku ponude (uvezivanje u čvrsti uvez), te se kao takva odbacuje i nije predmet daljeg razmatranja.

- Da dostavljena ponuda ponuđača „Hemija Patenting“ d.o.o. Lukavac, ispunjava zahtjevano TD uslove prema obliku i potpunosti u smislu pripreme ponude.

- Da ponuda ponuđača „Hemija Patenting“ d.o.o. Lukavac ispunjava kvalifikacione uslove obzirom na iskazane zahtjeve ugovornog organa u tenderskoj dokumentaciji. Konstatovano je da ponuđač „Hemija Patenting“ d.o.o. Lukavac **nije** dostavio Potvrdu o primjeni preferencijalnog tretmana.

Daljim pregledom ove ponude, od strane stručnih lica za predmetnu nabavku je konstatovano da je ponuđač, „Hemija Patenting“ d.o.o. Lukavac“ ispunio zahtjeve u pogledu opisa predmeta nabavke i tehničke specifikacije.

Kriterij za dodjelu ugovora : Najniža cijena

Vrednovanje prihvatljivih ponuda prema utvrđenom kriteriju :

RB.	Ponuđač	Cijena iz ponude bez PDV-a	Popust i sl.	Cijena sa popustom	Preferencija lni tretman domaćeg	Cijena sa popustom umanjena za preferencijal ni tretman (umanjena za 10%)	Ukupno bodova	Redoslijed ponuda po broju bodova
1.	„Hemija Patenting“ d.o.o. Lukavac	142.800,00	-	142.800,00	-	142.800,00	100	1

Redoslijed ponuda nakon izvršenog vrednovanja :

Rb.	Ponuđač	Redoslijed ponuda
1.	„Hemija Patenting“ d.o.o. Lukavac	1

Izabrani ponuđač „Hemija Patenting“ d.o.o. Lukavac, je izabran primjenjujući kriterij najniže cijene, koja je ponuđena u iznosu od 142.800,00 KM bez PDV-a.

Iz gore navedenih razloga, primjenom člana 64. stav 1. tačka b. ZJN, donesena je Odluka o izboru najpovoljnijeg ponuđača kao u članu 1. ove odluke.

#### Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđaču
- a/a

Direktor



  
Nezir Hadžić, Magistar uprave